

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i člana 3. Odluke o procedurama, uslovima, kriterijima i prioritetima za dodjelu jednokratne novčane pomoći općinama za otklanjanje šteta nastalih od prirodnih i drugih nesreća („Službene novine Zeničko-dobojskog kantona“, broj: 7/11), na prijedlog Kantonalne komisije za procjenu šteta, Vlada Zeničko-dobojskog kantona, na 151. sjednici, održanoj dana 13.07.2018. godine, d o n o s i

ODLUKU

o dodjeli jednokratne pomoći za hitne intervencije općini Olovo usljed stanja prirodne nepogode uzrokovane pojavom grada i obilnim kišnim padavinama

Član 1.

(Predmet)

Odobravaju se sredstva u iznosu od 100.000,00 KM (slovima: stotinu hiljada konvertibilnih maraka) na ime jednokratne novčane pomoći za hitne intervencije za sanaciju šteta nastalih usljed prirodne nepogode uzrokovane pojavom grada i obilnim kišnim padavinama na dijelu općine Olovo u mjesnim zajednicama: Olovo, Olovske Luke, Dugandžići, Gurdići i Petrovići.

Član 2.

(Analitička konta)

Sredstva iz člana 1. ove Odluke isplatit će se iz Budžeta Zeničko-dobojskog kantona za 2018. godinu („Službene novine Zeničko-dobojskog kantona“, broj: 1/18), sa razdjela 14, budžetska organizacija 01, potrošačka jedinica 0001, ekonomski kod 615 100 - Transfer za posebne namjene – elementarne nepogode, namjenska sredstva Budžeta, predviđena Planom korištenja sredstava posebne naknade za zaštitu i spašavanje za 2018. godinu u Zeničko-dobojskom kantonu, funkcionalna klasifikacija 320.

Član 3.

(Uplata sredstava)

Odobrena sredstva uplatit će se na poseban namjenski račun Općine Olovo na kojem se vode sredstva po osnovu posebne naknade za zaštitu i spašavanje i koristit će se za namjene utvrđene u članu 1. ove Odluke.

Član 4.

(Izvještavanje)

Zadužuje se Općina Olovo da izvještaj o utrošku sredstava dostavi u roku od 120 dana Vladi Zeničko-dobojskog kantona putem Kantonalne uprave civilne zaštite.

Član 5.

(Realizacija Odluke)

Za realizaciju ove Odluke zadužuju se Kantonalna uprava civilne zaštite i Ministarstvo finansija, svako u okviru svoje nadležnosti.

Član 6.

(Stupanje na snagu i objava)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-14-11463/18.

Datum 13.07.2018. godine

Z e n i c a

PREMIJER

Miralem Galijašević

DOSTAVLJENO:

1x Kantonalna uprava civilne zaštite,

1x Ministarstvo finansija,

1x Općina Olovo, putem KUCZ,

1x „Službene novine Zeničko-dobojskog kantona“,

1x a/a.